

極意見利忘義不推罪福命終皆墮三塗之中從冥入冥受罪多劫常相悲憐無由相濟故忘形苦涉嶮入海得此寶珠來用相救汝等既已更無乏短念自剋勵勤修十善攝身口意慈仁孝順精進御意勿懷放逸種種方便廣勑奉善因作文書告諸王臣謄其法誨

十一

咸令聞知更相勸督勿妄爲非尔時一切間浮提內既蒙大恩慈澤霑潤各思何方仰酬至德又蒙優教勑使修善咸皆慕義專習慈敬制身口意不妄犯非命終之後皆得生天如是舍利弗欲知尔時父婆羅門尼拘盧陀者今現我父淨飯王是尔時母者今現我母

形壽爲佛侍者時諸會者聞佛所說感念大恩專心剋勵思惟四諦諸法出要有得須陀洹斯陀含阿那含阿羅漢者有種辟支佛善因緣者有發無上正真道意者有得住不退地者咸共歡喜頂戴奉行

賢愚因緣經卷第八

盤八

痺弱 上尼下耕反 勇悍 下汗音 春靡 上詩容反 貲輸
摩醯 上子下反 择海 上祿與反 貴價 下音譙 喻音 觀眉角
剥 上音梨又音序反 怡躍 上呼音追反 横鐘 上直音 孤梵 下音 劍
恤耗 上思之若反 貸索 上他反 憚徒 旦音 瞰 音 門閨 下音 告
到音 反儲俟 上音

賢愚因緣經卷第九

此卷一
卷一

元魏沙門慧覺在高昌郡譯

摩訶摩耶是時大施者今我身是銀城中龍者今舍利弗是琉璃城中龍者目捷連是金城中龍者今阿難是時海神者今離越是阿難爲龍王時奉事於我善知時宜乃至今日索自知時阿難欲得此三願者隨從其意阿難聞此歡喜踊躍從座處起長跪白佛當盡

阿難抱持緣品第四十
 如是我聞一時佛在舍衛國祇樹給孤獨園余時諸比丘咸皆生疑賢者阿難本造何行獲此總持聞佛所說一言不失俱往佛所而

白佛言賢者阿難本興何福而得如是無量
摠持唯願世尊當見開示佛告諸比丘諦聽
著心斯之摠持皆由福德乃往過去阿僧祇
劫爾時有一比丘畜一沙弥恒以嚴勑教令
誦經日日課程其經足者便以歡喜若其不
足苦切責之於是沙弥常懷憂惱誦經雖得
食復不周若行乞食疾得食時誦經便足乞
食若遲誦則不充若經不足當被切責心懷
愁悶啼哭而行時有長者見其啼哭前呼問
之何以憂惱沙弥答曰長者當知我師嚴難
勑我誦經日日課限若其足者即以歡喜若
其不充苦切見責我行乞食若疾得者誦經
即足若乞遲得誦便不充若不得經便被切
責以是事故我用愁耳於時長者即語沙弥
從今已往常詣我家當供養食令汝不憂食
已專心勤加誦經爾時沙弥聞是語已即得
專心勤加誦學課限不減日日常度師徒於
是俱用歡喜佛告比丘爾時師者定光佛是

時沙弥者今我身是時大長者供養食者今
阿難是乃由過去造是行故今得摠持無有
忘失爾時諸比丘聞是說已歡喜信受頂戴
奉行

優婆斯兄所殺緣品第四十一

余時羅閱祇國有估客兄弟二人共住一處
兄求長者女欲以爲婦其女年小未任出適
於時其兄即與衆賈遠至他國經歷年歲滯
不時還女年向大任可嫁處而語其弟卿兄
遠行沒彼不還汝今宜可納取我女其弟答
言何有是事我兄存在不敢有違爾時長者
數數陳說其弟意堅未曾迴轉長者不已詐
作遠書託諸賈客說兄死亡弟聞兄死心乃
愕然長者復往而告之曰卿兄已死女當云
何卿若不取當思餘計弟被逼急即妻其女
經歷數時女便懷妊兄後便乃從他國還於
時其弟聞兄還國心懷愁懼逃至舍衛發跡

之後諸親友輩案其婦腹墮其胎兒如是展轉到於佛前慚愧所逼求索出家佛知可度即時聽許蒙佛聽已便成沙門名優婆斯奉持律行精勤不懈應時便得阿羅漢道六通清徹衆智具足時兄到家見弟已取其婦嫉心內忿往追欲殺求索推問云至舍衛毒恚煩心即出重慕誰能取我彼弟頭者當與重賞金五百兩時有一人來應其慕我能往取其頭兄即出金用募其人相將俱進至舍衛國到彼見弟坐禪思惟於時彼人歎生慈心而作是念我當云何殺此比丘吾設不殺當奪我金引弓欲射當挽弓時向彼比丘至於放矢乃中其兄其兄懷恚憤惱而死後更受身作毒蛇形生彼道人戶樞之中毒心未歇規當害之戶數開閉撒身而死既死之後未能改操遂願更作小形毒蟲依彼道人屋間而住伺其道人端坐之時從屋間下墮其頂上惡毒猛熾即殺比丘時舍利弗見斯事已

往至佛所而白佛言彼死比丘本作何緣今現得道被毒而死唯願世尊當見開示佛告舍利弗善聽善念吾當爲汝具分別說乃往過去無數世中有辟支佛出現於世處在山林修道以遂其志時有獵師恒捕禽獸施設方計望伺苟得時辟支佛驚其禽獸令其獵

欝

三

師伺捕不得便懷瞋恚懊惱憤結即以毒箭射辟支佛時辟支佛心愍此人欲令改悔爲現神足所謂飛行履虛屈伸舒戢出沒自在具足變現於時獵師見是事已心懷敬仰恐怖自責歸誠謝過求哀懺悔時辟支佛即受其懺悔已竟被毒而死其人命終便墮地獄既出地獄五百世中常被毒死至于今日得羅漢道猶爲毒蟲見蟄斷命由興惡意即還懺悔而發誓願使我來世遭值聖師所得神足如今是以是之故今得值我蒙獲道法余時舍利弗及與衆會聞佛所說歡喜奉行

兒誤殺父緣品第四十二

如是我聞一時佛在舍衛國祇樹給孤獨園。爾時有一老公早失其婦獨與兒居困無財寶。覺世非常念欲出家即往佛所求索入道時佛憐愍即聽出家於時其父便作比丘。兒年小即爲沙弥恒共其父入村乞食暮還

所止時有一村最爲邊遠至彼乞食逼暮當還其父年老行步遲緩其兒恐懼畏諸毒獸急扶其父排之進路執之不固推父倒地應時其父當手而死父死之後獨至佛所諸比丘問沙弥言汝朝與師至村乞食今爲所在沙弥答言我向與師至彼乞食日暮還時師行小遲我恐怖故急推之推之手急撲師著地我師於時即死道中時諸比丘呵責沙弥汝大惡人殺父殺師即以白佛佛告之曰此師雖死不以惡意即問沙弥汝殺師不沙弥答言我實排之不以惡意而殺父也佛可其語如是沙弥我知汝心無有惡意過去世時

亦復如是無有惡意而相殺害時諸比丘聞佛語已即共白佛不審汝尊過去世時斯人父子有何因緣而便相殺佛言諦聽吾當說之過去無量阿僧祇劫時父子二人共住一處時父病極於時睡卧多有蠍蟲數來惱觸父即令兒遮逐其蠍望得安眠以解疲勞時

鑒

四

兒急遮蠍遂數來數來不止兒便瞋恚即持大杖伺蠍當殺時諸蠍競來父額以杖打之即殺其父當於爾時亦非惡意比丘當知爾時父者此沙弥是時見以杖打父額者今彼死比丘是由於爾時無有惡心以杖打父殺之不以惡意今還相報亦非故殺於時沙

弥漸漸修學勤加不懈遂得羅漢爾時諸比丘聞佛所說心悉信解歡喜奉行

須達起精舍緣品第四十三

如是我聞一時佛在王舍城竹園中止爾時舍衛國王波斯匿有一大臣名曰須達居家巨富財寶無限好喜布施賑濟貧乏及諸孤

老時人因行爲其立號名給孤獨爾時長者生七男兒年各長大爲其納娶次第至六其第七兒端正殊異偏心愛念當爲妻娶欲得極妙容姿端正有相之女爲兒求之即語諸婆羅門言誰有好女相貌備足當爲我兒往求索之諸婆羅門便爲推覓展轉行乞到王舍城城中有一大臣名曰護彌財富無量信敬三寶時婆羅門到家從乞國法施人要令童女持物布施護彌長者時有一女威容端正顏色殊妙即持食出施婆羅門婆羅門見心大歡喜我所覓者今日見之即問女言頗有人來求索汝不答言未也問言女子汝父立

五
鑑

須達有兒端正殊妙卓略多奇欲求君女爲可爾不答言可爾值有估客欲至舍衛時婆羅門作書因之送與須達具陳其事須達歡喜詣王求假爲兒娶婦王即聽之大載珍寶趣王舍城於其道次賑濟貧乏到王舍城到護彌家爲兒求妻護彌長者歡喜迎逆安置敷具暮宿其舍家內搔搔辦具飲食須達念言今此長者大設供具欲作何等將請國王太子大臣長者居士婚姻親戚設大會耶思惟所以不能了知而問之言長者今暮躬自執勞經理事務施設供具爲欲請王太子大臣答言不也欲請婚姻親戚會耶答言不也將何所作答言請佛及比丘僧於時須達聞佛僧各懔然毛豎如有所得心情悅豫重問之言云何名佛願解其義長者答言汝不聞和善吉舍衛國王有一大臣字曰須達輔相識不答言未見但聞其名報言知不是人於彼舍衛國中第一富貴汝於此間富貴第一上天下唯我爲尊身黃金色三十二相八十

種好應王金輪典四天下見老病死苦不樂
在家出家修道六年苦行得一切智盡結成
佛降諸魔衆十八億萬号曰能仁十力無畏
十八不共光明照耀三達遐鑒故号佛也須
達問言云何名僧護弥陀言佛成道已梵天
勸請轉妙法輪至波羅捺鹿野苑中爲拘隣

五人轉四真諦漏盡結解便成沙門六通具
足四意七覺八道悉練上虛空中八萬諸天
得須陀洹無量天人發無上正真道意次度
鬱鞞迦葉兄弟千人漏盡意解如其五人次
第度舍利弗目連徒衆五百亦得應真如是
之等神足自在能爲衆生作良祐福田故名

僧也須達聞說如此妙事歡喜踊躍感念信
敬企望至曉當往見佛誠款神應見地明曉
尋明即往羅閱城門夜三時開初夜中夜後
夜是謂三時中夜出門見有天祠即爲禮拜
忽忘念佛心目還闇便自念言今夜故闇若
我住者儻爲惡鬼猛獸見害且還入城待曉

當往時有親友命終生四天見其欲悔便下
語之居士莫悔也汝往見佛得利無量正使
今得百車珍寶不如轉足一步徑趣世尊所
得利深過踰於彼居士汝去莫悔正使今得
百象珍寶不如舉足一步往趣世尊利過於
彼居士汝去莫悔正使今得一闍浮提滿中
珍寶不如轉足一步至世尊所得利弘多居
士汝去莫悔正使今得一四天下滿中珍寶
不如舉足一步至世尊所所得盈利踰過於
彼百千万倍須達聞天說如此語益增歡喜
敬念世尊闍即得曉尋路往至到世尊所少
時世尊知須達來出外經行是時須達遙見

世尊猶如金山相好威容儼然晒著過踰護
持所說万倍觀之心悅不知禮法直問世尊
不審瞿曥起居何如世尊即時命令就坐時
首陀會天遙見須達雖觀世尊不知禮拜供
養之法化爲四人行列而來到世尊所捉足
作禮胡跪問訊起居輕利右繞三匝却住一

面是時須達見其如是乃爲愕然而自念言
恭敬之法事應如是即起離座如彼禮敬問
訊起居右繞三匝却住一面尔時世尊即爲
說法四諦微妙苦空無常聞法歡喜便染聖
法成須陀洹譬如淨潔白疋易染爲色長跪
合掌問世尊言舍衛城中如我伴輩聞法易
染更有如我比不佛告須達更無有二如卿
之者舍衛城中人多信邪難染聖教須達白
佛唯願如來垂神降屈臨覆舍衛使中衆生
除邪就正世尊告曰出家之人法與俗別住
止處所應當有異彼無精舍云何得去須達
白佛言弟子能起願見聽許世尊默然須達

辟往爲兒娶婦竟辟佛還家因白佛言還到
本國當立精舍不知模法唯願世尊使一弟
子共往勑示世尊思惟舍衛城中婆羅門衆
信邪倒見餘人往者必不能辦唯舍利弗是
婆羅門種少小聰明神足兼備去必有益即
便命之共須達往須達問言世尊足行日能

幾里舍利弗言日半由旬如轉輪聖王足行
之法世尊亦尔是時須達即於道次二十里
作一客舍計校功作出錢雇之安止使人飲
食敷具悉皆令足從王舍城至舍衛國還來
到舍共舍利弗寨行諸地何處平博中起精
舍寨行周遍無可意處唯王太子祇陀有園
其地平正其樹鬱茂不遠不近正得處所時
舍利弗告須達言今此園中宜起精舍若遠
作之乞食則難近處憒閑妨廢行道須達歡
喜到太子所白太子言我今欲爲如來起立
精舍太子園好今欲買之太子笑言我無所
乏此園茂盛當用遊戲逍遙散志須達慇懃
乃至再三太子貪惜增倍求價謂呼價貴當
不能買語須達言汝若能以黃金布地令間
無空者便當相與須達曰諾聽隨其價太子
祇言我戲語耳須達白言爲太子法不應妄
語妄語欺詐云何紹繼撫恤人民即共太子
欲往訟了時首陀會天以當爲佛起精舍故

恐諸大臣偏爲太子即化作一人下爲評詳語太子言夫太子法不應妄語已許價決不宜中悔遂斷與之須達歡喜便勑使人象負金出八十頃中須臾欲滿殘有少地須達思惟何藏金足不多不少當足滿之祇陀問言嫌貴置之答言不也自念金藏何者可足當

補滿之祇陀念言佛必大德乃使斯人輕寶乃余教齊是止勿更出金園地屬鄉樹木屬我我自上佛共立精舍須達歡喜即然可之即便歸家當施功作六師聞之往白國王長者須達買祇陀園欲爲瞿曇沙門興立精舍聽我徒衆與共較術沙門得勝便聽起立若其不如不得起也瞿曇徒衆住王舍城我等徒衆當住於此王召須達而問之言今此六師云卿買祇陀園欲爲瞿曇沙門起立精舍求共沙門弟子較其技術若得勝者得立精舍苟其不如便不得起須達歸家著垢臘衣愁惱不樂時舍利弗明日時到著衣持鉢至

須達家見其不樂即問之曰何故不樂須達答言所立精舍但恐不成是故愁耳舍利弗言有何事故畏不成就答言今諸六師詣王求較尊人得勝聽立精舍若其不如遮不聽起此六師輩出家來久精誠有素所學技術無能及者我今不知尊人技藝能與較不舍

卷一
九

利弗言正使此輩六師之衆滿闇浮提數如竹林不能動吾足上一毛欲較何等自恣聽之須達歡喜更著新衣沐浴香湯即往白王我已問之六師欲較恣隨其意國王是時告諸六師今聽汝等共沙門較時諸六師宣語國人却後七日當於城外寬博之處與沙門較舍衛國中十八億人時彼國法擊鼓會衆若擊銅鼓十二億人集若打銀鼓十四億集若振金鼓一切皆集七日期滿至平博處推擊金鼓一切都集六師徒衆有三億人是時人民悉爲國王及其六師敷施高座余時須達爲舍利弗而施高座時舍利弗在一樹下

寂然入定諸根寂默遊諸禪定通達無礙而作是念此會大眾習邪來以憍慢自高草芥羣生當以何德而降伏之思惟是已當以三德即立誓言若我無數劫中慈孝父母敬尚沙門婆羅門者我初入會一切大眾當爲我禮尔時六師見衆已集而舍利弗獨未來到便白王言瞿曇弟子自知無術僞求較能衆曾既集怖畏不來王告須達汝師弟子較時已至宜來談論時須達至舍利弗所長跪白言大德大衆已集願來詣會時舍利弗從禪定起更整衣服以尼師壇著左肩上徐詳而步如師子王往詣大眾是時衆人見其形容法服有異及諸六師忽然起立如風靡草不覺爲禮時舍利弗便昇須達所敷之座六師衆中有一弟子名勞度差善知幻術於大眾前呴作一樹自然長大蔭覆衆會枝葉鬱茂華果各異衆人咸言此變乃是勞度差作時舍利弗便以神力作旋風風吹拔樹根倒著

於地碎爲微塵衆人皆言舍利弗勝勞度差便爲不如又復呴作一池其池四面皆以七寶池水之中生種種華衆人咸言是勞度差之所作也時舍利弗化作一大六牙白象其一牙上有七蓮華一一華上有七玉女其象徐詳往詣池邊井含其水池即時滅衆人悉言舍利弗勝勞度差不如復作一山七寶莊嚴泉池樹木華果茂盛衆人咸言此是勞度差作時舍利弗即便化作金剛力士以金剛杵遙用指之山即破壞無有遺餘衆會皆言舍利弗勝勞度差不如復作一龍身有十頭於虛空中雨種種寶雷電振地驚動大眾衆人咸言此亦勞度差作時舍利弗便化作一金翅鳥王擘裂噉之衆人皆言舍利弗勝勞度差不如復作一牛身體高大肥壯多力龐腳利角跑地大吼奔突來前時舍利弗化作師子分裂食之衆人言曰舍利弗勝勞度差不如復變其身作夜叉鬼形體長大頭上火

卷一

十

然目赤如血四牙長利口目出火驚躍奔赴時舍利弗自化身作毗沙門王夜叉恐怖即欲退走四面火起無有去處唯舍利弗邊涼冷無火即時屈伏五體投地求哀脫命辱心已生火即還滅衆咸唱言舍利弗勝勞度差不如時舍利弗身昇虛空現四威儀行住坐

臥身上出水身下出火東沒西踊西沒東踊北沒南踊南沒北踊或現大身滿虛空中而復現小或分一身作一百千万億身還合爲一於虛空中忽然在地履地如水履水如地現是變已還攝神足坐其本座時會大衆見其神力感懷歡喜時舍利弗即爲說法隨其

鑿一
十一

本行宿福因緣各得道迹或得須陀洹斯陀含阿那含阿羅漢者六師徒衆三億弟子於舍利弗所出家學道較技訖已四衆便罷各還所止長者須達共舍利弗往耆精舍須達手自捉繩一頭時舍利弗自捉繩一頭共經精舍時舍利弗欣然含笑須達問言尊人何

笑答言汝始於此經地六欲天中宮殿已成即借道眼須達悉見六欲天中嚴淨宮殿問舍利弗是六欲天何處最樂舍利弗言下三天中色欲塗厚上二天中憍逸自恣第四天中少欲知足恒有一生補處菩薩來生其中法訓不絕須達言曰我正當生第四天中出

言已竟餘宮悉滅唯第四天宮殿湛然復更從繩時舍利弗慘然憂色即問尊者何故憂色答言汝今見此地中蟻子不耶對曰已見時舍利弗語須達言汝於過去毗婆尸佛亦於此地爲彼世尊起立精舍而此蟻子在此中生尸棄佛時汝爲彼佛亦於是中造立精舍而此蟻子亦在中生毗舍浮佛時汝爲世尊於此地中起立精舍而此蟻子亦在中生拘留秦佛時亦爲世尊在此地中起立精舍而是蟻子亦於此生迦那含牟尼佛時汝爲世尊於此地中起立精舍而此蟻子亦在中生迦葉佛時汝亦爲佛於此地中起立精舍

而此蟻子亦在中生乃至今日九十一劫受一種身不得解脫生死長遠唯福爲要不可不種是時須達悲心憐傷經地已竟起立精舍爲佛作窟以妙栴檀用爲香泥別房住止千二百人凡百二十處別打捷椎施設已竟欲往請佛復自思惟上有國王應當令知若不啓白儻有瞋恨即往白王我爲世尊已起精舍唯願大王遣使請佛時王聞已即遣使者詣王舍城請佛及僧唯願世尊臨覆舍衛余時世尊與諸四衆前後圍遶放大光明震動天地至舍衛國所經客舍悉於中止道次度人無有限量漸漸來近舍衛城邊一切大

贊

十二

集持諸供具迎待世尊世尊到國至廣博處放光明遍照三千大千世界足指案地地皆震動城中妓樂不敢自鳴盲視聾聽瘡語瘞伸瘞拘痺皆得具足一切人民男女大小覩斯瑞應歡喜踊躍來詣佛所十八億人都悉集聚余時世尊隨病投藥爲說妙法宿

緣所應各得道迹有得須陀洹斯陀含阿那含阿羅漢者有種辟支佛因緣者有發無上正真道意者各各歡喜奉行佛告阿難今此園地須達所買林樹花果祇陀所有二人同心共立精舍應當與号太子祇陀樹給孤獨園名字流布傳示後世余時阿難及四部衆

聞佛所說頂戴奉行

大光明始發無上心緣品第四十四

如是我聞一時佛在羅閱祇迦蘭陀竹園余時阿難在林樹間靜坐思惟歎生此念如來正覺諸根具足功德慧明殊妙難量世尊先昔本何因緣發此大乘無上之心修習何事

而得如是勝妙之利作是念已即從禪起往詣佛所頭面作禮前白佛言如諸如來於諸世間人天之中最尊最妙功德慧明巍巍無量不審先昔以何因緣發此大乘無上之心佛告阿難汝欲知者善思念之吾當爲汝具分別說阿難白佛諾當善聽佛告阿難過去

久遠無量無邊不可思議阿僧祇劫此間浮

提有大國王名摩訶波羅婆修

晉言大光明

主五

百小國爾時大王與諸羣臣俱出遊獵王所

乘象欲心熾盛擔王馳走奔逐特象嘶逼林

木突入樹間象師白王捉樹自立足得全濟

王用其言俱捉持樹象去之後王心大慄苦

責象師欲即殺之由卿調象不合制度致使

今者僅危吾身象師白王調之如法但今此

象爲欲所惑欲心難調非臣咎也願見寬恕

却後三日象必自還觀臣試之万死不恨即

便停置如期三日象還詣宮尔時象師燒七

鐵丸令色正赤逼象吞之象不敢違吞盡即

死王意開解及諸羣臣歎未曾有復問之曰

如此欲心誰能調者時有天神感悟象師令

答王曰佛能調之王聞是語便發心言如此

膠固難調伏法唯佛能除即自誓願願求作

佛精勤歷劫未曾休替至於今日果獲其報

佛告阿難欲知爾時大國王者今我身是尔

時衆會聞佛所說咸發無上正真道意歡喜

踊躍不能自勝頂受奉行

勒那闍耶緣品第四十五

如是我聞一時佛在迦毗羅衛國尼拘盧陀
僧伽藍尔時諸釋覩見世尊光明神變闡揚
妙化甚奇甚特巍巍堂堂無能及者又復歎

美橋陳如等宿有何慶如來出世法鼓初振

最先得聞甘露始降而便蒙澤永離垢穢心

體玄要城營村邑羣黨相隨異口同音稱讚

無量時諸比丘聞是語已往至佛所頭面禮

足前白佛言今此國界人民之類咸共集聚

異口同音讚詠世尊若干德行及與五人宿

有何慶獨先蒙度佛告比丘非獨今日先度

五人我於久遠亦濟此等以身爲船救彼沒

弱全其生命各得安隱得至彼岸吾今成佛

先拔濟之時諸比丘即白佛言不審世尊先

昔之時云何拔濟令各安隱唯願世尊當爲

說之佛告比丘若樂聞者當爲汝說皆曰唯

欝

然佛告比丘過去久遠此閻浮提波羅捺國時彼國王名梵摩達尔時國中有大薩薄名勒那闍耶遊出於外到林樹間見有一人涕泣悲切以索繫樹入頭在眉欲自戮死便前問之汝何以人身難得命復危脆衰變無數恒恐自至種種曉喻教令捨索人報之曰

我之薄福貧窮理極債負盈集甚多難計諸債主輩競見剥脫日夜催切憂心不釋天地雖寬無容身處今欲自殺避離此苦仁雖諫及存不如死尔時薩薄即詣之曰卿但自釋所負多少悉代汝償作是語已彼人便休歡喜踊躍感戴無量隨從薩薄俱至市中宣令一切云欲償債時諸債主競共雲集迎取所負來者無限空竭其財貨已盡猶不畢債妻子窮凍乞勾自活宗親國邑悉共呵嫌此是狂夫自破家業當于是時有衆賈人勸進薩薄欲共入海即答之曰爲薩薄法當辦船具我今窮困無所復有何緣得從衆人報言

卷一

十五

之

欲入海得大妙寶奇珍異物用無盡者今可雲集共詣寶所復告之曰其誰不愛父母妻子閻浮提樂及身命者乃可往耳所以然者大海之中難險衆多迴波暴風大魚惡鬼如是種種不可具陳作是語已即斷一索日日如是至第七日斷索都盡船即馳去便於道中卒遇暴風碎破船舫衆人喚救無所歸依或有能得板檣浮囊以自度者或有墮水溺死之者中有五人共白薩薄依汝來此今當沒死危險垂至願見拔度薩薄答曰吾聞大海不宿死屍汝等今者悉各捉我我爲汝故當自殺身以濟爾厄誓求作佛後成佛時當

以無上正法之船度汝生死大海之苦作是語已以刀自刎命斷之後海神起風吹至彼岸得度大海皆獲安隱佛告比丘欲知爾時勒那闍耶者今我身是時五人者拘隣等是我於先世濟彼人等生死之命今得成佛令其五人皆最初得無漏正法遠離長流結使

之屬衆人甚恠競集看之是時世尊告阿難曰彼有何事大衆皆集汝往試看阿難受教即往看視見一大魚身有百頭還白世尊如所見事世尊尋時共諸比丘往至魚所而問魚言汝是迦毗梨不答言實是鄭重三問汝是迦毗梨不答言實是復問教匠汝者今在

迦

十六

大海尔時諸比丘皆共讚歎如來大悲深妙難量咸勤克勵聞佛所說歡喜奉行

迦毗梨百頭緣品第四十六

如是我聞一時佛在摩竭國你園之中尔時世尊與諸比丘向毗舍離到犁越河所是時河邊有五百牧牛人五百捕魚人其捕魚者作三種網大小不同小者二百人挽中者三百人挽大者五百人挽於時如來去河不遠而坐止息及諸比丘亦皆共坐時捕魚人網得一魚五百人挽不能使出復喚牧牛人衆合有千人併力挽出得一大魚身有百頭若干種類驢馬駱駝虎狼猪狗猿猴狐狸如斯

約勒汝慎莫與迦葉沙門講論道理所以者何沙門智深汝必不如父汝之後其母問曰汝本高朗今頗更有勝汝者不答言沙門殊勝於我母復問言云何為勝答言我有所疑往問沙門其所演說令人開解彼苦問我我不能答以是之故自知不如母復告言何以

不往學習其法。答言欲學其法當作沙門。我是白衣何緣得學。每復告曰爲作沙門學習已達還來在家奉其母教而作比丘經少時間讀誦三藏綜練義理。母問之曰今得勝未答言學問中勝不如坐禪。何以知之。我問彼人悉能分別。被人問我我不能知。因是事故

善來比丘鬚髮自落法衣在體便成沙門。是時世尊爲說妙法種種苦切漏盡結解成阿羅漢復爲會衆廣說諸法分別四諦苦集滅道有得初果乃至四果有發大道意者其數甚多。爾時四衆聞佛所說歡喜奉行淨居天請洗緣品第四十七

未與他等母復告曰自今已往若共談論儻不如時便可罵辱迦毗梨言出家沙門無復過罪云何罵之答言但罵卿當得勝時迦毗梨不忍違母後日更論理若短屈即便罵言汝等愚駢無所識別劇於畜生知曉何法諸百獸頭皆用比之如是數數非一非二緣是

鑒

十七

果報今受魚身而有百頭阿難問佛何時當得脫此魚身佛告阿難此賢劫中千佛過去猶故不脫。尔時阿難及於衆人聞佛所說悵然不樂悲傷交懷咸共同聲而作是言身口意行不可不慎時捕魚人及牧牛人一時俱共合掌向佛求索出家淨修梵行佛即可言

浴并享飲食其食甘美世所希有食竟潔漱各還本坐是時阿難長跪合掌白世尊曰此大往昔作何功德形體殊妙威相奇特光明顯赫如大寶山唯願世尊敷演其事佛告阿難諦聽善持吾當解說乃往過去毗婆尸佛時此天彼世爲貧家子恒行傭作以供身口

聞毗婆尸佛說浴僧之德情中欣然思設供
養便勤作務得少錢穀用設洗具并及飲食
請佛衆僧而以盡奉由此福行壽終之後生
首陀會天有此光相佛告阿難而此天者非
但今日請佛及僧尸棄佛時亦來世間供養
世尊及於衆僧乃至迦葉佛時亦復如是佛

告阿難此天非但承供七佛於當來世賢劫
之中千佛興出亦當一一洗佛及僧猶如今
日無有差別尔時世尊因授天記於未來世
滿阿僧祇一百劫之中當得作佛號曰淨身
十号具足所化衆生乃可限量尔時阿難及
諸四衆聞佛所說歡喜無量咸作是言如來
出世所利益大如是少施獲報彌多佛告阿
難善哉善哉如汝所言因爲衆會廣說妙法
其聞法者有得道迹往來不還逮應真者發
大道意各各歡喜頂受奉行

賢愚因緣經卷第九

十八末

鬱一

愕然上五徹直列歎生上許挽晚矢式旨
惱珠俱樞易俱躁則到捕音憤房粉檄身
吊戢立蟄呼名遲緩下玄排步皆賑章忍
撲蒲角苑紓阮企反智踰羊朱模法上莫
丙撫恤下思律反評詳上音椎直送魚幾反
下耶舍反哈呼甲金翅智施擘梨上補麦反
慘然上士僂呂上瘞六中健必亦僅渠鎮膝
固交音闡昌演沒溺下奴胃俱犬戮音脆
妨放勿音粉克勸例音狐狸上音嘲六駢
反

賢愚因緣經卷第十
元魏沙門慧覺在高昌郡譯
摩訶令奴緣品第四十八
如是我聞一時佛在迦維羅衛國尼拘盧陀
僧伽藍佛初還國於時諸釋觀佛威儀相好
殊異身體金色三十二相視之無狀各共羣
鬱二